

SVEUČILIŠTE/UNIVERZITET “VITEZ” VITEZ

REKTOR SVEUČILIŠTA/UNIVERZITETA

PROCEDURA

POSTUPAKA I REDOSLIJEDA AKTIVNOSTI PRI IZBORU AKADEMSKOG OSOBLJA

Da bi se uskladila praksa pri izboru akademskog osoblja u ista ili viša akademska zvanja na svim fakultetima koji su članice Sveučilišta/Univerziteta “VITEZ” Vitez, Rektor donosi ovu Proceduru postupka i redoslijeda aktivnosti pri izboru akademskog osoblja.

Procedura je u cjelosti usklađena sa Pravilnikom o akademskim zvanjima na Sveučilištu /Univerzitetu “VITEZ” Vitez i poštuje pravila i obaveze uspostavljene Zakonom o visokom obrazovanju SBK/KSB, kao i Statutom Sveučilišta/Univerziteta “VITEZ” Vitez.

A. OBJAVLJIVANJE NATJEČAJA I PRIJAVA NA NATJEČAJ

1. Senat Sveučilišta/Univerziteta u skladu sa člankom 14. navedenog Pravilnika donosi odluku o raspisivanju Natječaja za izbor:

- u zvanje,
- u više zvanje i
- u isto zvanje (ponovni izbor).

2. Natječaj se objavljuje najkasnije tri mjeseca prije isteka perioda na koji je nastavnik ili suradnik biran, a rok izbora je šest mjeseci od dana objavljivanja Natječaja.

Potrebni ponovni izbor i tijekom izbora nastavnika i suradnika koji su angažirani na Sveučilištu/Univerzitetu prati i na vrijeme za isti ukazuje referent službe za izbore u zvanja.

3. Natječaj se objavljuje javno, u dnevnim novinama i na web stranici Sveučilišta/Univerziteta.

4. U Natječaj se unosi:

- naziv uže naučne oblasti,
- naziv predmeta i
- zvanje za koje se vrši izbor (može jedno, više ili sva zvanja).

5. U Natječaju se navodi da zainteresirani kandidati moraju priložiti :

- prijavu na Natječaj,

- detaljnu biografiju,
- ovjerene prepise (fotokopije) diploma (osnovnog, magistarskog i doktorskog studija),
- dosadašnje izbore u akademska zvanja,
- spisak naučnih, naučno-stručnih i stručnih radova,
- dostaviti radove na uvid i
- popuniti priloženu tabelu vezano za objavljene knjige, članke i dr.

6. Prijedlog Natječaja pravi stručni suradnik koji vodi izbore nastavnika i suradnika.

B. IZBOR KOMISIJE ZA PISANJE IZVJEŠTAJA

7. Po završetku Natječaja Nastavno-naučno vijeće fakulteta imenuje Komisiju za pisanje Izvještaja o prijavljenom kandidatu i dostavlja prijedlog Senatu na usvajanje, a u skladu sa člankom 16. Pravilnika.

8. Komisija se sastoji od najmanje tri nastavnika iz naučne oblasti za koju se nastavnik odnosno suradnik bira.

9. Najmanje jedan nastavnik mora biti iz nastavnog predmeta ili uže naučne oblasti za koju se kandidat bira.

10. Članovi Komisije moraju biti u istom ili višem zvanju od zvanja u koje se kandidat bira i ne mogu biti u srodstvu sa kandidatom koji se bira.

11. Pri izboru za multidisciplinarne predmete ili uže naučne oblasti, Komisija ima najmanje pet članova, od kojih najmanje po jedan član mora biti iz uže naučne oblasti za koju se kandidat bira.

12. Odluku o imenovanju Komisije za pisanje Izvještaja pravi stručni suradnik koji vodi izbore, a na temelju Zapisnika sa sjednice Nastavno-naučnog vijeća i Zapisnika sa sjednice Senata i dostavlja ga svim članovima Komisije.

C. PISANJE IZVJEŠTAJA O KANDIDATU

13. Komisija zadužena za pisanje izvještaja o kandidatu piše detaljan izvještaj o kandidatu navodeći biografiju kandidata, završeno školovanje, radnu aktivnost, dosadašnje izbore u akademska zvanja, spisak naučnih, naučno-stručnih i stručnih radova, objavljene radove u indeksiranim časopisima i druge bitne informacije o kandidatu. Ukoliko je kandidat prije pokretanja procedure izbora bio angažiran u nastavi na Sveučilištu/Univerzitetu „VITEZ“ u izvještaj za izbor potrebno je uvrstiti i anketiranje od strane studenata koje provodi Centar za kvalitet.

14. U Izvještaju se nedvosmisleno navodi zaključno mišljenje i prijedlog Komisije uz potpis svih članova komisije, a u skladu sa člancima 24-30. navedenog Pravilnika.

15. U Izvještaju se svi podaci dijele na period do posljednjeg izbora i na period od posljednjeg izbora i posebno prilaže tabela iz priloga ovog Pravilnika.

16. Prilikom izbora u isto ili više zvanje uzimaju se u obzir samo objavljeni radovi, knjige i rezultati vlastitih istraživanja, mentorstvo i drugo, samo u vremenu od posljednjeg izbora.

17. Izvještaj Komisije o kandidatu sastavlja se u skladu sa:

a) Zakonom o visokom obrazovanju SBK/KSB,

b) Pravilnikom o akademskim zvanjima Sveučilišta/Univerziteta "VITEZ" Vitez.

Izvještaj se piše u skladu sa uzorkom Izvještaja koji stručni suradnik dostavlja predsjedniku Komisije.

18. Period izbora akademskog osoblja vrši se u skladu sa člankom 8-12. navedenog Pravilnika.

D. RAZMATRANJE I USVAJANJE IZVJEŠTAJA KOMISIJE

19. Najkasnije u roku od 30 dana Komisija za pisanje Izvještaja dostavlja Izvještaj istovremeno Rektor i Nastavno-naučnom vijeću fakulteta.

20. Rektor Sveučilišta/Univerziteta dostavlja biblioteci Izvještaj Komisije sa njihovim prijedlogom i putem web stranice obavještava sve nastavnike i suradnike na Sveučilištu /Univerzitetu da se sa sadržajem Izvještaja mogu upoznati u biblioteci i eventualno staviti primjedbe u roku od 15 dana.

21. Nastavno-naučno vijeće dobiva Izvještaj Komisije, razmatra ga, razmatra eventualne primjedbe i usvaja ga, mijenja ili odbacuje.

22. Nastavno-naučno vijeće, ukoliko usvoji Izvještaj Komisije, predlaže izbor kandidata u određeno zvanje i svoj prijedlog dostavlja Senatu na usvajanje i izbor nastavnika ili suradnika u određeno zvanje.

23. Prije izbora na Senatu, kandidat koji nije ranije izvodio nastavu u visokoškolskoj ustanovi dužan je pred Komisijom za pisanje izvještaja održati predavanje iz nastavnog predmeta za koji se bira (odnosno iz predmeta sadržanog u oblasti za koju se bira).

24. Prijedlog izbora Nastavno-naučnog vijeća pravi stručni suradnik koji vodi izbore, a na temelju Zapisnika sa Nastavno-naučnog vijeća.

25. Odluku o izboru u zvanje nastavnika i suradnika obavlja Senat Sveučilišta/Univerziteta, a u skladu sa odredbama članka 19. navedenih Pravilnikom. Odluku pravi stručni suradnik, a na temelju Zapisnika sa sjednice Senata.

E. PREUZIMANJE NASTAVNIKA I NJEGOVOG IZBORA

26. Sveučilište/Univerzitet može da preuzme nastavnika, tj. njegovo zvanje, koji je već izabran na drugoj visokoškolskoj ustanovi, a u skladu sa člankom 12., stav 2. i 3. navedenog Pravilnika.

27. Odluku o preuzimanju nastavnika u ranije stečenom zvanju donosi Senat Sveučilišta /Univerziteta na prijedlog Nastavno-naučnog vijeća.

28. Preuzimanje nastavnika i njegovog izbora u zvanje može se izvršiti samo za istu užu naučno-nastavnu oblast ili isti predmet.

29. Na osnovu izbora u zvanje na drugom Univerzitetu, potom Odluke o preuzimanju za taj predmet/oblast na Sveučilištu/Univerzitetu "VITEZ" može se nastavniku povjeriti predmet srodan predmetu za koji ima izbor.

30. Odluku o povjeravanju predmeta donosi Senat Sveučilišta /Univerziteta na prijedlog Nastavno-naučnog vijeća.

F. DODJELA POČASNOG DOKTORATA I IZBOR U ZVANJE PROFESOR EMERITUS

31. Na osnovu članka 76. Zakona o visokom obrazovanju SBK/KSB Senat Sveučilišta/Univerziteta može dodijeliti počasni doktorat *honoriscausa* istaknutim naučnim/znanstvenim i javnim osobama iz zemlje i inozemstva, za iznimne doprinose u pojedinim područjima naučnog/znanstvenoga, naučno/znanstveno-nastavnoga, kulturnoga i umjetničkoga stvaralaštva, kao i za iznimne doprinose u duhovnom i materijalnom razvoju te djelovanju na promoviranju mira, tolerancije i humanosti, takođe imaju posebne zasluge za razvoj i promociju Sveučilišta/Univerziteta, poboljšanja njegova materijalnog i svakog drugog položaja.

32. Dodjelu počasnoga doktorata donosi Senat na prijedlog Nastavno naučnog vijeća, a procedura je ista kao i ostale procedure izbora u akademska zvanja.

33. Na osnovu članka 77. Zakona o visokom obrazovanju SBK/KSB i na prijedlog Nastavno-naučnog vijeća Senat Sveučilišta/Univerziteta može umirovljenom redovitom profesorom dodijeliti počasno zvanje professor emeritus.

34. Sveučilište/Univerzitet u skladu sa svojim kadrovskim potrebama može dodijeliti, na prijedlog fakulteta, titulu *professor emeritus* umirovljenom redovitom profesoru koji je u ovom zvanju proveo najmanje pet godina i koji se posebno istakao svojim naučnim/znanstvenim radom u oblasti za koju je izabran.

35. Profesor emeritus može sudjelovati u izvođenju nastave na drugom i trećem studijskom ciklusu, sudjelovati u izradi istraživačkih projekata i biti član komisija za izbor u zvanja, može biti određen za odgovornog nastavnika na drugom i trećem studijskom ciklusu. Također, može biti mentor pri izradi doktorskih i magistarskih radova.

36. Procedura dodjele počasnog zvanja profesor emeritus je ista kao i i ostale procedure izbora u akademska zvanja.

Prilog: Tabela vrednovanja naučne produktivnosti.

Rektor

Prof. dr. sc. Vinko Kandžija